

cum spiritu salis dulci parata est, quam optimè & diligentissime dulcifica, deniq; eam siccari sinas, atque in phiolam capaciorem immitte, vel etiam in cucurbitam, huic affunde oleum vitrioli rubrum, quod ab omni phlegmate sit liberatum, & prius per retortam sit rectificatum, ut perspicuū, & clarum fiat, id est album, ut observare possis, cum animam solis aggredietur, & solvit, ex qua in rubrum & amœnum colorem transit. Hujus verò olei tantam affunde quantitatem, ut sulphur vel anima solis, in eo solvi possit, tum in Mariæ balneum pone, ad putrificandum, seu digerendū, & ignem paulò vehementiorem adhibe, donec videris animam auri dissolutam & colliquatam, in oleo vitrioli. Si quas fortè feces in fundo reliquerit, eas separa ab extracta anima, tum affunde ulterius & quidē in duplo pondere, essentiæ vini, vel spiritus vini optimè rectificati, ut te in meo Testamento docui & institui, vitrum sigillo Hermetico obsigna, ne spiritus vini exitum sibi quaerere possit, & denuò in Balneum Mariæ colloca in putrefactionē, moderatissimumque adhibe ignem, mensis unius spatio & acrimonia olei vitrioli per spiritum vini imminuitur, & suam acridinem amittit, ut unā præstantissima fiat medicina. Hanc medicinam toties per alempicum distilla, vel etiam per retortam, donec nihil in fundo cucurbitæ, vel retortæ relinquatur. Et sic acquires plus quàm semiaurum potabile, in forma & colore summè flavescens liquoris. Interim nota, quod cum aliquibus metallis, etiam hac ratione processus potest institui, ut scilicet ex metallo primùm fiat vitriolum, ex quo spiritus distilletur,

letur,